

DARI SEKITAR DUNIA

Pecah hati

Sesuatu kejadian yang sangat-sangat menyedihkan telah menimpa Miss "Cecelia Gary" yang tinggal di luar bandar London disebabkan barang-barang kemasnya yang berharga telah dicuri orang. Kejadian ini sebenarnya telah menjadi suatu paluan yang sangat-sangat pedih kepadanya, kerana dia terkenal kepada masyarakat kampungnya seorang yang dermawan, sementelah pula di antara barang-barang kemasnya yang telah hilang itu ada yang mempunyai sejarah dan menjadi kenangan-kenangan yang sangat-sangat berharga kepadanya.

Polis pun bekerja keras mencari pencuri itu, akhirnya dapat ditangkap iaitu seseorang perempuan tua yang menjadi orang gaji kepada Miss Gary . Perempuan tua itu telah bekerja di situ terlalu lama dan telah termakan budi dengan banyaknya.

Pada hari itu pun "Miss Gary" telah didapati mati.

Kata orang: Dia mati kerana pecah hatinya memikirkan sikap orang gajinya itu yang tidak mengenang budi.

Orang ramai pun tertanya-tanya adakah "pecah hati" itu hanya setelah persuratan sahaja untuk menggembirakan paluan perasaan yang menimpa seseorang, ataupun suatu hakikat yang sebenar-benarnya?

Meskipun perkara ini masih menjadi pertanyaan dan telah menimbulkan perbahasan di antara doktor-doktor sama sendiri, tetapi seorang doktor Inggeris bernama "Robert Bambrich" telah berjaya melakukan suatu ujian pembelahan kejadian ini punca begini:

Ayat doktor itu sendiri menjadi "tuan punya sebuah kedai menjual barang-barang lama yang berlesen. Tiba-tiba pada bulan Ogos 1936 lesen itu telah ditarik oleh kerajaan.

Kejadian sebenarnya telah menjadi suatu paluan kepadanya dan seminggu kemudian, ia telah mati.

Anaknya – Doktor Robert – Mengatakan kematian ayahnya

alah disebabkan pecah hatinya. Ia meminta supaya mayat ayahnya itu dibelah, setelah dibelah, mereka telah bertambah pilu kerana dapat menyaksikan hati si mati itu pecah-pecah, dan bekas-bekas pecahnya baharu terjadi, sekalipun si mati dalam masa hidupnya – menurut keterangan anaknya – tidak pernah mengadu sakit jantung atau sakit hati. Anaknya juga mengatakan, pecah-pecah yang didapati pada hati ayahnya itu ialah disebabkan kesan duka nestapa dan sedih yang telah diperamnya .

Bagi pertama kali semenjak itu kelaslah bahawa "punca hati" bukanlah istilah persuratan semata-mata tetapi ialah suatu hakikat yang sebenar-benarnya !

Dengan Perantaraan Stem

Kerajaan-kerajaan dunia yang berbagai-bagai coraknya, sudah kelaziman menjadikan stem-stem yang dikeluarkan dari semasa ke masa sebagai suatu jalan bagi menghidupkan kerja-kerja yang besar dan kenangan-kenangan yang penting tetapi sangat-sangat kerajaan pada hari ini telah meningkat kepada perkara yang lebih jauh daripada itu. Mereka telah mengambil peluang memberi penerangan kepada rakyatnya dengan jalan menggunakan stem.

Misalnya kerajaan Itali tatkala memerhati hasrat rakyatnya tentang kehilangan tanah-tanah jajahan maka dia pun mengambil keputusan supaya mereka jangan berdukacita dan menyesal lagi, mereka dikehendaki berusaha terus menerus membaiki tanah-tanah kosong yang sedang terbengkalai.

Stem-stem itu telah ditulis seperti di bawah ini:
"Tanah-tanah Itali sendiri adalah mencukupi hajat putera-putera buminya hari ini dan hari yang akan datang"

Langkah ini telah dituruti oleh kerajaan Perancis. Lalu menulis di atas stem-stem baharunya: "Belilah sijil-sijil wang penjamin kebangsaan dengan itu tuan-tuan dapat menunaikan kewajipan yang utama terhadap tanah air . "

Kerajaan Switzerland pula telah mengeluarkan stem-stem yang tertulis di atas kata-kata yang menggambarkan keburukan arak dan menyebutnya sebagai minuman yang bukan sahaja berbahaya tetapi menjatuhkan maruah juga – Ain. Ba.